

呂東萊文集

三





呂東萊文集

(三)

呂祖謙撰

呂東萊先生文集卷七

墓誌銘

湯教授母潘夫人墓誌銘代倉部公作

潘氏望滎陽。別居金華者爲大族。孺人幼明悟。其在傅。織紝組紃。敏而裁。父母愛之尤。環里中相厥對。惟湯君偉協。乃女焉。旣嬪。湯氏釐身治家。皆應儀矩。姑俞夫人晚喪。明孺人時寒燠。奏甘脆。躬饋饘。視藥物之良者而敬進之。朝夕虞侍。俞夫人至忘其疾。於內外姻屬。承趨賓接。無一間言。恩妾媵童奴。皆得其歡心。族黨以病告者。脫珥弛服。無所愛。湯氏先故無仕者。孺人開其夫以訓子。子烈始士其服。委身於學。客至。孺人立屏間耳其語。或肄經訂史。欣然供具甚設。烈用是居隱約而多致諸公長者。卒就其業。中紹興二十一年進士第。主明州奉化縣簿。聯板輿之官。里人紀之。二十九年正月朔旦。天子稱觴慈寧宮。勞問高年以差。受寵有秩者。父若母。慶賜有加。湯君以子故。卽其家拜右承務郎致仕。孺人實偕被命。書集享成福。鄉先生之評賢母者。孺人必在其間。隆興二年閏十一月十五日。以疾終於正寢。享年七十有三。於是承務郎沒五年矣。考諱亮。妣胡氏。男二人。長卽烈。今爲左從政郎。新差充建寧府府學教授。次曰照。業儒女四人。長適右迪功郎朱熙績。餘未行。孫男一人。曰椿。子烈等將以乾道元年二月五日。祔於赤松東關原湯君之墓。前葬。狀其行謁銘。予與其子游舊矣。其又何辭。銘曰。

湯世壙儼委社於後。徂相我初。內德之茂。厥承惟飭。發身以文。納詩幽宮。尙遠其聞。

金華毛君將仕墓誌銘

毛在衢以姓著。君故衢徙也。始君曾大父廣。名數籍衢之江山。大父達。游金華。樂土風遷焉。父辰。宣和間。材進士。屢上禮部。留落無所遇。君甫學而孤。不忍以門內細故憂母夫人。置其業。躬井臼勞。事綱理。勤甚。細大成。有節法。資簡樸。與人語。傾盡無留藏。女弟以嫠歸君。終君之世。字其孤不怠。兄之子大方。穉失父。君使偕其子學。程督提掖。嫗族莫能名。厚薄其將歿也。諸子前。受所欲言。獨飭以學。不他屬。君諱公亮。字明叔。卒年四十有六。乾道三年十一月十有二日也。娶陳氏。子四。良能。大年。大節。大任。女五。長適進士邢文昌。餘未行。乾道五年十月二十有四日。葬於智者山之右。先葬。大年。迹君之實來。謁銘。予雖未嘗與君際。然大年。大方。俱從予講書。且聯里閭。是宜銘。銘曰。陽宇陰竄。誕惟民彝。通嚴厥終。銘以昭之。

松陽葉君墓誌銘

宣和中。盜發幫源。旁郡姦俠。諱踞趨和。賊勢怒張。大吏或叛。官守亡城社。羞汙印轂。閭里以氣自許者。望旗鼓迎。自屈隕名。隊節項背相望。當是時。松陽葉君。獨以孝著。君以眇然儒者。奉其父匿山中。猝與賊遇。奮前翼蔽其父。被三四創。猶不少卻。賊內刃相顧曰。是人以死代父。孝子也。殺之不祥。遂巡引去。父子迄皆全。鄉老嘗在兵間者。道葉君至今不去口。嗚呼。是可軼其傳哉。君諱洵仁。字行中。曾祖某。祖某。父某。君

少嗜學。游場屋。輒不偶。既孤。家益落。太夫人憂勞甚。君不忍私其力於鉛槧。乃罷舉治耕稼。以寬親意。居亡何。費用饒衍。儕輩交勸君卒業。君固已倦游。不復言課試事矣。暇日。親程課子孫。以學。復爲儒家。晚節傳家政。觴詠自適。蓋年八十有一而終。乾道四年四月十四日也。娶潘氏。男四。長璉。次柁。次穀。璉先君卒。柁。穀。出繼。女二。長適秉義郎邵績。次適進士周炤。孫男五。重開。重光。重熙。重規。重易。孫女五。曾孫景先。尙幼。後一歲。某月某日。殯奉公。喪葬於某山某原。重開來謁銘。重開嘗從予游。道君之葬。稽參古制。凡。禮。夷。教。悉屏棄。勿用。其不怵於俗如此。可謂難也已。銘曰。寇方興。時大棘。孛城。隄。祇子職。琢之堅。竄之密。維旌君。詔無極。

朝散潘公墓誌銘

乾道六年春正月庚午。右朝散郎。賜緋魚袋。致仕潘公。卒於婺之里第。越三月。諸孤狀公之壽年。里系。履。蹟。屬某銘。某雖侍公晚。一見意浹。屈年輩。盡悃款。異乎世俗所以相期者。此意其可負。矧公子景憲。在歲癸未。實偕以進士。拜敕於庭。視公蓋丈人行也。敢他委。遂次其語曰。公諱好古。字敏修。一字伯御。處之松陽人。曾祖幹。以耄老望其里。祖珂。以謹力厚其家。考宗回。以文藝官其族。傳三世而門益大。始公之考開。迹農畝。拔科級。校中祕書。浸光顯矣。中更憂患。無復當世意。專林邱之樂者數十年。晚得復州。非其雅志。將辭行。章未上而卒。公樂易安恬。甚似其先人。自爲童子時。被除遨嬉。委己於學。母葉夫人愛之尤。每抑止之。公愈自力。少長入成均。從四方士游。聞見日。轉京。都失守。有諜虜。剽諸生者。公方與同舍郎環坐。虜

且至衆駭響。或勸趣自裁。公徐曉坐人曰。死當擇廣。未見虜逆自斃。與自經溝瀆等耳。旣虜入兩齋。無所得。舍去。事定。衆皆以識度歸公。公事復州。孝晝夜淬厲。勸世科以慰滿其意。再試禮部。輒不偶。郊祀任子。復州屢欲上公名。公固辭。復州亦不能強也。後子景珪秩得封其親。命書數下。公以前嘗止復州之奏。慨然曰。辭父澤而安子榮。寧吾志耶。平居不御簪裳。不書爵品。終其身。其沒也。諸子始敢以朝服斂。公始自松陽改築臨江。臨江。婺之郊也。晚歲徙郊。而城其居。蓋三徙焉。紹興丙辰。歲大禳。婺米斗千錢。公旣發廩。不足。則囊厚貲。致他郡粟。下其直十之三。以貸之。秋稔。民勸趣償。惟恐後。公憫民償之不易也。視初貸。復緹其一。甲子歲。水並舍有僧慮。公挈孥栖其危。水怒張屋廩。廩欲仆。衆方左右視。迫慌亡計。逾望波濤間。有棹舟至者。呼公急濟。僮僕相賀更生。前扶公卽舟。公顧同避者尙數十人。歎曰。吾去。是曹其魚矣。乃諭舟人姑寘己。先載餘人。舟人曰。吾德公長者。故犯險脫公耳。餘子何爲者。公曰。此距平陸不十里。汝不憚一往反之勞。厄此者。皆汝生之也。舟人義而從之。衆畢濟。公乃濟。其於死生緩急之餘。先人後己如此。甲戌。盜發旁郡。流殍交道。里民窮空。競持破磑。敗絮來質。主帑者以白公。公曰。第與之居。數日。填溢棟宇。公有喜氣。益市官粟。舟相銜下。以平貴糴。比閭不復知有艱歲。後民稍稍入金。請所質。亡給者。婺田恃陂塘爲命。天不雨。尺競寸攘。鬪鬩斃踣者相望。公有塘曰。葉亞。溉數百頃。獨聽民取之。不爲禁。斥塘下田以廣澗蓄。或獻疑。以膏腴可惜者。公曰。鄉鄰安。則吾安矣。別墅占婺之西湖旁。兩塘廢不治。公發錢數十萬。新之。人賴其利。時公未嘗有寸田居其間。其他如代官逋。弛私債。恩鍰寡。逮困疾。旁及棺槨。殮藥。橋梁。井泉。

之屬給予除治亡所。靳松陽學故有田軍興調度急吏質其田而學廢公以錢百二十萬贖歸之學以復興其後爲吏者不復顧省學又廢公不得已歸諸郡庠處之學所以裕於養士者由公之助也顧嘗嗜浮屠老子說頗留意塔廟土木事浙河以東爲二氏徒者多借其聲以行暮年覺其尤謬妄者稍謝絕之而向儒者浸篤游士亡資者月餽之使就業焉公隆於教子訓道嚴飭賓禮善士相與浸灌礪磨故多方向者季弟好仁卒未幾又喪其壯子公收其遺孤教養之甚有恩意家政儉而肅有妾治衣櫛垂三十年挾寵微驕媚公一旦資遣之人咨其斷歲時賦租必差擇精好者先衆輸之官惟敬尤樂佐公上之急虜亮瞰江公以錢千萬奉軍費詔贈秩加賜五品服而公意初不在賞也獨喜著書有詩春秋語孟中庸說合五十一卷他書亦數百卷其九月丁酉葬於婺之金華縣慶雲鄉東彌塘享年七十公先娶孫氏贈安人左朝奉大夫夙之女再娶陳氏封宜人左奉議郎樞之女子男六人景珪右朝散郎大理正重脩敕令所刪脩官兼權尙書刑部郎官次景差次景憲左迪功郎脩太平州學教授次景愈次景泌次景良四女長適右承奉郎兩浙東路安撫司主管機宜文字湯玘再適右通直郎新知太平州蕪湖縣蘇誦次適將仕郎趙善蔚次適右迪功郎新監行在太平惠民局王注次尙幼孫男五人自厚自得餘未名女七人自公之歿逮其葬禭耄矜寡嘗受公施者拜走號哭于堂于門于途其聲相及鄉之人雖澗隈山曲承公訃皆倚耒投耜戚戚有惋怛色嗚呼是豈苟然者哉銘曰

豐昃盈變惟理之常積而能散我施用光萬木造天鬱其高岡是曰善富潘公之藏

義烏徐君墓誌銘

同義之徐。在烏傷爲右族。先老所傳。版籍故隸諸暨。嘗有官吳越爲常侍者。游烏傷之同義。樂其土俗。遷焉。其譜牒可見者。臘生舜臣。舜臣生世都。世都實生君。君諱文獻。字德之。質厚惇飭。以嚴見憚於里中。治家訓子。咸有節法。母朱夫人棄世。君方穉。已能自持。及父沒。傳家政。奉後母余夫人。尤篤。雖鄉人之習於徐氏者。莫知其異出也。比鄰競者。平之。病者藥之。負責不能償者。已之。天大寒。視並舍。惻獨困殍。日賦之食。至於春。乃罷。帥以爲常。乾道四年六月十八日。終於家。享年六十有六。七年二月四日。己酉。葬於白馬之原。娶劉氏。三子。長人傑。次人鑑。將仕郎。次人瑞。蚤亡。孫男八人。侃。儼。倬。餘未名。孫女三。長適進士余棣。餘在室。曾孫男四。女二。尚幼。自禰祥禁忌之說興。士始死。其親而微利。巫爭覲訟。客其匱。宇下。遠者或數十載。蓋有饑腐骨銷而終不掩者矣。予竊駭其然。力薄不能起俗。獨私與從游者道之。人傑以書來曰。先君之喪。再期矣。宅兆未卜。侃倬幸從諸生後。與聞緒論。敢不敬戒。以終大事。吾子其賜之銘。以卒相人傑也。乃銘曰。

厥終惟考。厥封惟時。有嘉徙義。琢此銘詩。

耐韓氏誌

乾道七年夏六月庚申。左從政郎太學博士兼國史院編脩官兼實錄院檢討官呂某。耐其繼室於元配之兆。始某踰冠授室。蓋今尙書左司郎中韓元吉長女。旣五年而夭。左司公實識其葬。後七年復女焉。越

二年又夭。壽二十有七。改月而葬。與長姊同域異穴。惟內外辨位。而司家政者。名不出壺。雖敬戒以祗婦道。猶其常也。茲用不書。以附春秋之義。土姓世繫。列於前志者。亦不再見。二女。長曰復。幼曰螺。

蘭谿葉君墓誌銘

始予道蘭谿。葉君介其子來見。視其貌。恢然長者也。進之語。樸質少瑠琢。意訢然喜之。是後歲一再鱸舟。溪滸。君賓送上下。亡怠容。今年秋。復過焉。事薄。不暇接君。居亡何。里生周祥以書至曰。噫。君死矣。其孤誕。纍然衰絰。不敢釋喪。次躬請銘於門下。使祥以告。予既數面君。而誕實從予游。乃序而銘之。君諱臻。字子益。上世壽昌人。移其版於婺之蘭谿者。四傳矣。曾祖昌世。祖逢。考固。君雖浮沉里閭。而協族輯鄰。若嘗知書者。家故饗。縮衣嗇食。資其子學。甫收一科以養。而君不能待也。卒以乾道七年十月二十九日。壽五十有七。娶胡氏。男一。誕也。今爲左迪功郎。新臨江軍清江縣主簿。女三。長適蔣黼。次適陳良士。次在室。其年十二月二十日。葬於縣之清江里。應氏塢。銘曰。

置也。饁之。簋也。奪之。罔極之。酬匪爵是糜。

郭宜人墓誌銘

泉溪劉氏兆域。有別卜清溪之原者。是爲戶部公之配。郭宜人墓。既葬二年。戶部以書來。諗曰。邦翰老而哭妻。墓草再易矣。見故奩塵篋。依然有餘思。是非若小兒曹。戚戚歎歎也。吾妻無恙時。自闌以內。裘葛釜鬲。醪醴。口醢。水而凍。孰火而燔。孰社而釀。孰臘而儲。吾未嘗過而問焉。飢至知食。寒至知衣。客至知獻。

酬而已。視己出。若妾媵所出。拊育惟一。族黨無纖介薄厚之議。授室以來。袖手旁觀。每謂家政直差易耳。及失吾妻。治官文書。腕脫入戶。將少休。問米謁鹽者。旁午喟然而歎。始知其難。益念吾妻四十年代。予勞之不可忘也。故過時而哀未衰。予嘗有意銘其藏。幸卒成之。某先壠嘗在婺之武義。於泉溪蓋同縣。與戶部游再世矣。歲時往來。占壺職於杯盤。固得其略。諸子相從講學。履屐裝齋之屬。皆宜人。均一之德所形見也。銘敢不諾。宜人卒。以乾道六年十一月七日。享年六十有四。時戶部知常德府。歸葬。以乾道八年十月某日。曾祖宗元。贈少傅。祖璩。贈太師。考三益。左中大夫。同知樞密院事。贈光祿大夫。妣孟氏。齊安郡夫人。子男子八人。粹中。迪功郎。新衢州龍游縣尉。敏中。迪功郎。新衢州江山縣主簿。允中。時中。應進士舉。居中。虛中。皆夭。餘未名。子女子六人。長適從事郎永州軍事推官應材。次適朝請郎尚書司封郎中鞏湘。次適承議郎周權。次適太學生凌顥。次適進士黃開。次未行。於是戶部方爲朝散大夫尚書戶部員外郎。總領湖廣京西財賦。銘曰。

維斗之樞。系隆地高。婦于素門。乃鋤其驕。風有芣苢。捋之攝之。我心和平。諸御是綏。子舍連蔓。女車交道。歲時晨昏。來面來告。並耦而耕。穫失其一。里人作詩。颺于媼戚。

義烏樓君墓誌銘

太史氏凡例。登于策者。有彞品。惟以孝著。則雖嶺隈水涯。凋瘵嫠獨。亦編名達官顯人後。並藏於金匱石室。甚嚴。風勸隆尙之意遠矣。自予少年。廣坐間。往往剽樓君孝行。旣而君諸子從予游。益熟其爲人。蓋君

篤於孝。服母喪。廢楸沐。鹽酪不入口。結廬墓右。旦暮繞冢哀號。冢下耕者。皆徘徊爲墮淚。日負土築冢。自課三十肩。比外除。冢高數仞。其行實。應史法。及執筆。隸太史。閱郡國所上義夫節婦。君名獨沒不見。退而問嘗交君者。則曰。前數十年。鄉人合辭列君于縣。于州。于部。刺史州遣從事。卽其廬勞君。且問狀。君固謝。此人子之常。不願賞。鄰里要說再三。迄不能強。予聞而太息。世衰道微。或僞孝以奸利。君躬人之所難。乃以常自居。匪質之厚不能也。以君之質。而約之以禮。翼之以師友。可涯哉。君諱蘊。字季發。曾祖訓。祖琳。父中立。占籍婺之義烏。鄉則崇德也。娶周氏。男五。長公重。蚤夭。次孟愷。仲愷。叔愷。季愷。女五。壻曰黃昭祖。何堯夫。楊若訥。龔世英。季未行。以乾道七年十月初四日終於家。壽七十有一。明年十二月二十日葬於盤松里九江原。距先墓纔數十步。成君志也。君少游場屋。親終卽罷舉。環舍培松柏自娛。意獨向古。歲時祭享。撤楮幣。去浮屠老子之位。終君世。巫祝不至門。性剛介。朋友有過。每面數之。然遇困躓者。亦發囊賑卹。無所靳。故皆嚴憚之。而不敢怨。銘曰。

薛常州墓誌銘

河東之薛。有降居閩之長溪者。世久不能迹其始。既又家於永嘉。其長老之記曰。唐補闕令之後遷焉。裔孫庠。以駟行聞於鄉里。庠生強立。始脩補闕之舊。續其祿。蓋終江寧府觀察推官。贈左光祿大夫。光祿四子。嘉言。尙書司封郎中。昌言。通判婺州。弼。數文閣待制。徽言。起居舍人。公諱季宣。字士龍。起居之子也。起

居學於胡文定公安國。而雅爲趙忠簡公鼎所厚。其立朝皆有本末。最後秦丞相檜建與虜和。起居自殿
坳直前。引義固爭。反復數刻。中寒疾以卒。夫人胡氏亦繼卒。於是公生六年矣。伯父待制收鞠之。任以官。
公幼逮事過江諸賢。聞中興經理大略。已能識之。喜從老校。退卒語。得岳韓二三大將兵間事。甚悉。志尙
犖犖。與常兒異。年十七。起從妻父荆南帥孫汝翼。辟書寫機宜文字。荆州善袁溉。道潔虛郡齋。迎致之。公
遂委己師焉。道潔及登河南程夫子之門。聞蜀隱者薛叟名。晚游蜀。以物色求之。莫能得。未至一郡。並舍
有叟。旦荷笈之市。午漏下。輒扃其戶。道潔從壁間覘之。方隱几默坐。意象靜深。問諸鄰曰。是鸞香薛翁。不
知其所從來。道潔亟款門。以弟子禮見。旦往陳所學。叟漠然如不聞。久之。乃曰。經所以載道。聖人作經。以
明道。子何博而寡要也。始與深語。未幾。復捨去。道潔漫浪沔鄂間。諱其學。絕不爲人道。獨與公傾倒無所
靳。公自是篤意於學。道潔語公。伊洛軼書。多在蜀。時同郡蕭振芳。制置四川。乃往爲其屬。道潔期至。蜀授
以書。會偏裨有誣其所部將者。公請正階級法。議不合。謝去。遇道潔於峽。而公旣出蜀矣。調鄂州武昌令。
武昌號難治。連敗數令。公年尙少。郡將部使者易之。迎謂是邑久不可爲。子敢當之乎。公曰。獨患在上者。
以縣爲可爲。今知其不可爲。則可爲矣。願寬其銜轡。俾得自盡。皆諾之。科徭興發。率以公故。獨不及。唯論
和糴。始不見答。欲解印綬去。卒體其誠。得罷。公旣獲乎上。民賴以寬。有所廢置。皆爭趣和。乃大治。版籍。期
會簡稽。出納。悉就繩尺。密而不煩。嚴而不迫。虜亮未叛盟。公白其長。視要害前備禦。輒不省。及兵交。稍稍
卽公咨計畫。虜亮悉衆瞰江。詔成閔還師入援。時汪樞使澈宣諭荆襄。公告成閔。得蔡有破竹之勢。盍守

便宜勿遣。令閔乘虛下武昌。徑陳汝。趨汴都。虜內顧且驚潰。釋此成業。而聚衆相仗。鮮克以濟。不能用。閔晝夜馳。不頓舍。後騎能屬者三之一。而陳、蔡、新附諸城。亦踵接復爲虜矣。江淮仕者。大抵無固志。紛紛遣其孥。繫馬庭木。以須公。獨留家不遣。誓與民俱死。縣故多盜。鐵冶營田。綦布。諸鄉亡命姦人。出沒其間。所治卽孫吳故宮。自古江左重地也。公念除盜上策。莫如聯保甲。疆陲有事。唯素整者可不亂。乃訪求河北。陝右弓箭手保甲法。及淮西劉綱保伍要策。討論甚具。會有伍民之令。乃出其法行之。五家爲保。二保爲甲。六甲爲隊。因地形便。合爲總。不以鄉爲限。總首、副總首領焉。官族、士族、富族。皆附保。獨其身。俾輸財共總之。小用諸總。必有射圃民暇。則習。無早暮之節。盡禁蒲博。獨許以擊刺、馳射、角勝。五日更至庭。閱其尤者。勞賞之。旗志總別爲色。槍仗皆中度。候望干擲。不幸死者。予棺。復家三歲。諸鄉皆置樓。盜發。伐鼓舉烽。以相號召。瞬息徧百里。總首白事。吏毋得預。追背與發。一以縣檄爲驗。環邑溝瀆不濞。夏潦波道。在事者病之。役大莫敢睥睨。及保甲成。天大雨。公出坐通衢。傳呼總隊。具畚鍤。賦丈尺。三日而畢。市多火。公戒諸隊。鉤繩梯缶。各專其一。暮夜倉卒。隨用而索。甚速且易。火不能災。縣治白鹿磯。安樂口。皆置戍。復請於宣諭司。得戰艦十甲三百。羅落之守計定。訖虜退。人心不搖。大軍之屯州縣。客主不相能。多爲閔暴。公曲得其歡心。以事至者。必微見曲直。而明假借之。皆大喜。且大服。誓死以報。內郡發粟輸邊縣。常餽信陽。公部以往。先是諸將出師。部勒無法。或侵苦之道。殫相望。文吏董役者。則又甚焉。民見調輒與親戚爲死訣。公語父老曰。子弟相從者。吾受其無咎。皆愜然陽應。旣發。隊伍次舍。悉做行軍。親與役夫同苦樂。病者挾醫。

護視始輕所負。劇則皆弛之。增劇則以馬若輿載之。病者未至。隊長毋得卽安。號令齊一。道上擔肩相差。如引繩。無敢少蹉跌。觀者相語曰。此誰將軍部曲耶。乃整肅如是。旣而知爲武昌兵丁。相視歎息。斯役也。在行者千有八百。役罷死者一人。跌傷者一人。餘還畀其父母妻子。如初約。當是時。諸公爭知之。舉辟交。至公一無所就。從吏部銓得婺州司理參軍。召對。首言治體。有本末。願遴三公之選。責以進人材。張紀綱。延端直之士。與之講學。問求治道。又論中都官員多職寡。牧伯之任。分爲五六。唯大軍勝戰。將兵而下。廢爲隸役。因道遠。方民瘼甚悉。王樞使炎前在鄂。熟公治行。及是。新得政。求助於公。公語之曰。上天資英特。羣臣幸得遭時。乃忽略根本。而奔走軍旅之間。盍以仁義綱紀爲本。至於用兵。請俟十年之後。改宣義郎。知平江府常熟縣。退待次。具區漏上。明年。復召審察。公固辭。徘徊踰年。乃就道。至則除大理寺主簿。是歲。江湖大旱。流民往往北渡江。邊吏復奏。淮北民多款塞者。虞丞相允文白。遣公行淮西。收以實邊。公持節。勞來。老穉滿車。下爲之表廢田。相原隰。復合肥三十六圩。立二十有二莊於黃州。故治東北。以戶頌屋。以丁頌田。二丁共一牛。犂、耙、鋤、鍤、鎌、具。六丁加一鋤刀。每甲。轆軸石。水車一種。子錢丁五千。粟其家。至食新糶。凡爲戶六百八十有五分。處合肥。故黃。適等。而合肥。贏故黃三戶。戶授二室。受田之丁。合肥。八百一十有五。故黃。六百一十有四。會其錢若米之費。財二萬緡。六千石。流民已爲大姓有者。仍隸其主戶。就撫之。並邊歸正者。振業之。合三千八百餘戶。始。公以乾道七年十二月。至淮西。反命以明年之夏。計道里。往來。與察邊郡。檢麥田之屬。專於田事者。僅數月。墾築冶鑄。斲削。皆受成於公。賦役省而功堅。度可支數十

年位置向背。經緯條達。民生所須。不外索而足。淮人謂耳目所未覩。公曰。吾非爲今日利也。治合肥之圩邊有警。因以斷柵。江保巢湖。故黃實古邾城。地直蔡衝。諸莊益輯。則西道有屏蔽。其措意深遠矣。光守宋端友。自上招集北歸戶一百十七。公至固始。驗新民止五戶餘。皆保塞數年。端友混新舊戶爲一籍。以幸賞異。時有以善馬涉淮者。殺而要奪之。公亟舉奏。端友有挾人謂章且不下。語聞上。感悟。屬廷尉治。方窮竟。端友以憂死。習爲媒者。皆竦而虞。丞相始不樂公矣。故爲多端。廢公以緩其歸。或迎說公。見上。盡少自絀。毋與當路者忤。公曰。上遣我視邊。固欲得利害之實。卒極陳之。且曰。臣根本其敝。不計而謾爲。而後外以鹵莽報。不思而出令。而後外以難行寢。號爲責實。未始徇名。則趣辦皆徇名之人。志在大功。反規小利。則迎合皆規利之輩。誕謾者敗而不誅。諛說者察而不去。左右爲欺囊囊。邇爲援則遠堅。大爲間則小肆。其薦退人物。曾非誦言。游揚中傷。乃自不意。齊威之霸不在阿卽墨之斷。而在毀譽者之刑。臣觀近政。非無阿卽墨之斷。奈何毀譽之人自若。上欣然開納。公復進曰。外事無足道。咎根不除。抑臣深憂。左右近侍。陰擠正士。而陽浮稱道。陛下誠聖明。儻因貌言萬一垂聽。臣恐石顯。王鳳。鄭注之智中也。又曰。好名特爲。臣子學問之累。人主爲社稷計。唯恐士不好名。誠人人好名畏義。何向不立。上是之。隆興以來。經理兩淮。受遣者且數十輩。發御府金緡。聽施置自便。閱十年。鮮有當上意者。及公使事有緒。恨得公晚。道進官二等。除大理正。側席遲其至。顧問絀繹。奏請論薦。皆報可。聞者意公且用矣。居七日。出守湖州。入辭。語益懇。到上慰勉。遣焉。公旣數摩切左右。而湖多權貴人田宅。與相加尤數。公平心問理。如何不爲變。益害公。合

力撼搖。上記其忠。獨保持之。始至。書獄多入死。訊其由。則棄市者。民間或竊祠之名。傷神惡少。遂輕相讎。殺不顧。公亟屏絕死獄。大減條境內淫祠。次第除撤。會去郡而輟。土俗小民悍強。甚者數十人爲朋。私爲約。無得輸主戶租。前爲政者。或縱吏之。公歎曰。郡國幸無事。而鼠輩頡頏已爾。緩急之際。將何若。取其首惡。黥竄遠方。民始知有奴主之分。初。陳亨伯割諸道留州錢輸大農。號經制。翁彥國復附以總制。嗜進者競哀斂以應賞格。已而遂定其多數爲歲額。州用日削。而供億稍饒。校軍與前五六倍。吏馭法撻扶無遺。筆猶廩廩不能給。至是。戶部令提點刑獄司以歷付場務一錢已上。皆分隸經總制如式。諸郡被符搏手無策。相顧莫敢先。公獨言於朝曰。自經總制立。額州郡鑿空以取盈。雖有奉法吏。思寬弛而不得聘。若復隸額外征。掇其強半。郡調度。顧安所取。殆復爲它謬巧重取之民。民何以勝。戶部鑄譙愈急。公爭之愈強。臺諫亦交疏助公。遂收前令不布。凡可以紓民力者。知無不言。如論和糴。買錢。請更平直。徙汰軍寬州。添差隸郡者。止今見員。後勿遣。函封相繼。多格於有司。則以病謁祠。朝廷惜之。卻其請。至八九。知不可奪。改知常州。未上。以乾道七年九月戊申卒於家。年四十。官止奉議郎。娶孫氏。子法。補太學生。公之沒。其友張澹治喪。程以古禮。公配孫夫人。能順聽不違。里中觀法焉。十二月壬申。葬于永嘉縣。吹臺鄉。慈湖之原。自周季絕學。古先制作之原。晦而不章。若董仲舒名由諸葛亮治軍。王通汾河之講論。千有餘年。端倪蓋時一見也。國朝程顥氏。程頤氏。張載氏。相與發揮之。於是本原精粗。統紀大備。門人高弟。旣盡晚出者。或驚於空無。不足以涉事耦變。識者覺之。公之學。旣有所授。博攬精思。幾二十年。百氏羣籍。山經地志。斷章闕

簡研索不遺過故墟廢壠環步移日以驗其蹟參繹融液左右逢源凡疆里卒乘封國行河久遠離分明
枝葉扶疎縷貫脉連於經無不合於
隨廣狹默寓之於簿回期會之間

時而不知公爲儒者也平生所際文武

嘗爲町畦崖岸而去就從違

之際守

變化若神而在朝每以不可輕試爲主

豁潛察之自律

嚴飭雖倥偬札翰正楷

少年豪舉既知學銷落不留省其私泊如

平實

質確本於簡易行於敬恕而堅志強

充踐之善類方共倚屬公而公則死矣詩

中庸大學論語皆有訓義他所論著若九州

屬稿方立而未究也歲在壬午先

君子守黃

江爲令歸以公所爲語某固已矍然自失後十

識公於朝一見莫逆如

故交其葬也張瀆旣誌

復請詩以揭之喪不能文今旣免喪不死矣

不爲公一言

乎詞曰

茫茫獨求諸野有滌其源晝夜不舍緊道之窮

其尙口不耀其章而躬自厚出孚于長于長

于君

乃沒元身故吳之蹟故邾之遺旣壅旣平

金華戚如圭母周氏墓誌銘

門內之治女美婦德母道三而有一焉旣足自附女史具是而始終衷者實維金華戚君楊之夫人周氏
夫人戚君同縣人生七年而喪其父屬睦寇陷郡城母杜夫人提以匿林藪亂定又喪其母於是祖母老